

Imminnguaq (Tupissut)

Qallunaatut atia: Skolæst, Almindelig


Latiinerisut atia: *Coryphaenoides rupestris*

Tuluttut atia: Roundnose Grenadier

Sorlernut ilaava: Aalisakkat

Uumasooqatai: Saarullikkut

Ilaqutai: Imminnguakkut



Imminnguaq Davis Strædep Danmarksstrædellu kujasissuanni siammarsimavoq. Nalinginnaasumik uumasuuvoq immap qaffasinnerusortaani imaluunniit 100-2200 meterinik itissusilimmi aqitsumik natilimmi.

Ilisarnaatai

Timaa naatsuuvoq niaqorujussuaqarluni, paperua takisooq nuuminut amiliartortoq. Angisuunik iseqarpoq, qania masiisalu ammaneri qernertuullutik mikisunnguamik umiisaqarluni. Qimerluani avaleraasaa tunorleq pukkitsuarsuaq itiata kingornatungaanut atavoq. Qimerluani avaleraasaata siorliup kapinartui pilattuutaasaapput.

Nerisai

Nerisarai peqqukujuit, soorlu raajat kinguillu aammalu aalisakkat amikullu.

Paasissutissat

Uumaffii: Imaq

Takissusia: 150 cm tikillugu,
nalinginnaasumilli 90-110 cm tikiinnarlugu

Oqimaassusia: 1,5-2 kg tikillugu

Suai: 35.000 tikillugit

Suffisarpoq: Upernaakkut-ukiakkut

Arnavissat taamaallaat ukioq allortarlugu
suffisarput

Sivisunerpaamik uumasarpoq:

Ukiut 54 miss.

Nalunngiliuk?

Imminnguup paperua takisooq nuuminut amiliartortoq qajannartuugami pisarineqaraangami napsinnaasarpoq.